

07. november 2018

UKA2018/38

Inuit inigisaminniit anisitaasarunnaarnissaat siunertaralugu Naalackersuisut periusissiamik UPA2019-imi saqqummiussassamik suliaqaqqullugit peqquneqarnissaat Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

Aqqaluaq B Egede periusissioqqusivoq inuit inigisaminnik anisitaasarunnaarnissaat pillugu.

Siunnersuuteqartup qaqitaa imaannaangitsuuvoq. Ukiuni kingullerni innuttaasut inigisaminnit anisitaasernerat aammalumi ilaqtariikkuutaat inisigisaminnit anisitaasernerat annertusiartortoq nalunaarutigisartakkakut tusartualerpavut.

Siullermik ineqartup inigisami akilersornissaanut akisussaavoq. Ineqartup attartorfigisamini isumaqatigiissut tunngavigalugu malitsissallugulu akisussaavoq. Imaalinngisaannarli akiliisinnaangik-kuma pisortat tamaat akilerlissuk. Pisussaaffeqarpugut tamatta. Inuppassuaqarpoq inissaminnik utaqqisunik, akiliisinaallutik periarfissamik utaqqiinnartunik. Taamatut oqarnitsigut imatut paasi-neqassanngilaq inigisaminnik akiliisinnaangippata aniseriarlugit allat akiliisinnaanerusut iserternerlik. Innuttaasut ikiorserneqarnissaminnik pisariaqartitsisut tamarmik pisinnaatitaaffeqarput tamannalu atuisunit aamma paatsuunganangitsumik peqataatitsiffiusumillu ilisimaarisari-aqarpaat. Ajornartorsiornerup annertuallaalinnginnerani saaffiginnittarneq siunnersorneqarnerlu pisariaqarpoq. Avaqqunneqarsinnaanngilaq.

Ernumanarpoq aammalu inisigisamit akiitsoqarpallaarneq peqqutigalugu anisitaasussanngortoqar-tillugu annikilliornermik annertuumik nanertuuteqarfigineqassaqaq kikkunnulluunniit kissaatigi-nanngeqisoq.

Innuttaasut toqqissisimasut pilersinneqassappata tamarmiusut kisimiittuuppata ilaqtariittuuppa-taluunniit namminerisamik angerlarsimaffeqarsinnaanissamik tamanut qulakkeerinnissimanissaq pisariaqarpoq. Pisariaqarpoq innuttaasut aningaasaqanikkut ingerlatsinerminni patajaattumik inis-sisimanissaat aammalu piumasaqaatinut malinnillutik anngussinnaasuunissaat.

Ilaqtariippassuaqarpoq akunnattunik isertitallit meerartallit qaammatip naanissaanut naammat-tusaanerujussuarmik toqqammaveqarlutik inuusunik. Nutaanik meerartaminnik pisinissaminnut akissaalatsisut aammalu amerlasuutigut akiligassatigut kinguaattoorsinnaasartunik. Pingaaruteqar-poq sulineq akilerluarsinnaasoq pilersinneqassappat tassaavoq aamma ineqarnikkut akitigut malim-massaanissaq.

Nunatta Qitornai

Inatsisartuni



Ullutsinni amerlasuutigut inigisamut akigitinneqartut ilaqutariit aningaasaqassusaanut tulluarsagaaneq ajorput taamaalillunilu isertitaqqortussuseq eqqarsaatigalugu ilaqutariinnit nammakkumi-naatsunik inigisamik akeqartitsineq artukkiisarluni.

Nunatta Qitornaanit isumaqarpugut inissiaq sanaartorneqartut akilersinnaasut amerlanerujussuit pisariaqartippavut, imatut paasillugu aningaasarsiakinnerumaartunut aammalu akunnattumik isertitaqartunut inissiat akitigut nammanneqarsinnaasut amerlanerusut pisariaqartippavut. Akisunerusunut nuukkusuttoqartillugu ileqqaarsinnaanermut periarfissaqarlutik allamut nuunniarnissamut periarfissillugit. Isuma taanna qulakkeerinnisooq akilersorneqarsinnaasumik aammalu akissaatinut naapertuunnerusumik akeqartitsineq assigiinngiaarnerusoq pigineqalerluni aaqqissu-ussineq pissagaluarpog.

Maannakkut inunnik isumaginninneq toqqammavigalugu innuttaasut akiligassaminnik artorsaa-teqartut siunnersorneqarnissaminnik pisinnaatitaaffeqarput aammalu naafferartumik akilersuisin-naanermut isumaqatigiissuteqartoqarsinnaaneranik periarfissaqarpoq.

Misileraanikkut misilittakkat atorluarneqassapput. Innuttaasunik ineqarnermut tunngasutigut pisin-naatitaaffimminnik ilisimaarinnissapput aammalu akilersugassanut nalornisoqartillugu ikorfartuisin-naaneq piujuassaaq. Pisortat iniutaannik ingerlatsineq inuppalaartoq pisariaqartipparput aammalu qulakkeerniartariaqarparput sapinngisamik innuttaasut ineqarnermut akiligassatigut malinnaasut aqutissiuutissallugit.

Naalackersuisut suliasaq tamanna eqqummaariffigereeraat nuannerpoq aammalu "Akiitsut aki-itsunillu akilersuisarneq pillugit nassuiaat" 2017-mi suliarineqarsimasooq tunngavigalugu attartor-titsisarnermut inatsimmut ilanngunneqartussatut saqqummiutereermassuk iluarisimaarnarpoq tamannalu sulinermi tunaartassatut siunniunneqarsimanera iluarisimaarlutigu siunnersuutigi-neqartoq taama isikkoqartillu itigartipparput.